

左

通

補

釋

補釋六

起僖公八年盡廿年

左通一

錢塘梁履繩學

僖盟于洮解曹地

僖公三十一年晉文公分曹地自洮以南東傳于濟卽此

今濮州西南五十里有洮城

山東曹州府治春秋地名攷略十二

秦

梁由靡

複姓左傳晉有梁由靡

案通志氏族略五廣韻梁字注

號射十四年解號射惠公舅也

號仲之國僖五年晉滅之子孫以國爲氏左傳晉大夫號

射

通志氏族略二

以敗狄于采桑解平陽北屈縣西南有采桑津

齧桑裴氏云左傳作采桑案今平陽西南七十里河水有

采桑津是晉境服虔云翟地亦頗相近然字作齧桑齧桑

衛地恐非也

見魏世家史記晉系家索隱

采桑在今山西鄉寧縣西

平陽

府治大河津濟處

日講春秋解義十六

凡夫人不薨于寢不殯于廟解寢小寢將葬又不以殯過廟

諸侯三寢一正者曰路寢餘二曰小寢卒歸於正夫人亦

有三寢一正二小亦卒正者也

禮記喪大記正義

殷人尚質敬鬼

神而遠之死則爲神故云朝而殯於祖廟周則尚文親雖

亡歿故猶若存在不忍便以神事之故殯於路寢及朝廟

遂葬以此言之則周人不殯于廟案僖八年致哀姜左傳

云不殯于廟則弗致也則正禮當殯于廟者服氏云不薨

于寢寢謂小寢

喪大記正義引

不殯于廟廟謂殯宮鬼神所在謂

之廟鄭康成以爲春秋變周之文從殷之質故殯于廟

儀

禮既夕禮疏云不殯于廟者春秋之世多行殷法不與禮合也

杜預以爲不以殯朝廟未

詳孰是

禮記檀弓正義

案周禮無殯廟之事殯廟者魯禮也魯

禮何以殯廟殷禮也檀弓曰殷朝而殯於祖謂既大斂以

柩朝於祖而就殯焉魯有王禮嫌純與天子同故周尚騂

牲魯尚白牡周春祠而夏禴魯春祠而夏禘周祀天以日

至魯以上辛周乘玉路魯乘木車若此之類皆從殷也

魯

殷制故春秋內魯因記變文從質之義

定元年經曰癸亥公之喪至自乾侯

戊辰公卽位公羊傳曰正棺於兩楹之間然後卽位計癸

亥至戊辰六日諸侯五日而殯蓋殯之明日而卽位也正

棺者殯也

顧命成王乙丑崩康王癸酉卽位鄭注云殯之明日

周人殯於西階之上

殷人殯於兩楹之間魯殯楹間其用殷法可知且旣夕禮

遷于祖亦正棺兩楹之間則殷殯楹間者正以其在廟中

故耳

孔廣森經學卮言六

餘詳駁證

大子茲父固請曰

固如故也

儀禮士相見禮注

固爲堅固堅固則如故以再請如前

故云固如故也

又疏

僖九春宋桓公卒未葬而襄公會諸侯故曰子凡在喪王曰小

童公侯日子解在喪未葬也

君薨大子號稱子待猶君也

禮記雜記上

謂未踰年也雖稱子

與諸侯朝會如君矣春秋魯僖公九年夏葵壬之會宋襄

公稱子而與諸侯序

注又

鄭用左氏之義未葬以前則稱子

既葬以後踰年則稱公故僖九年傳云凡在喪王曰小童公侯曰子是未葬爲在喪之稱也若杜元凱之意未葬以前皆稱子若既葬雖未踰年亦稱公若未葬雖踰年猶稱

子

又正義

會于葵丘解陳畱外黃縣東有葵丘正義莊八年傳曰連稱管至父戌葵丘杜云齊地臨淄縣西有地名葵丘知此葵丘與彼異者傳稱齊侯不務德而勤遠略西爲此會則此地遠處齊西不得近在臨淄故釋例以爲宋地

陳畱郡外黃有葵丘聚齊桓公會此

案齊國臨畱注左傳齊戌葵丘

郡國志三

在今河南考城縣東

案縣今屬衛輝府

日

續漢書

王使宰孔賜齊侯胙解胙祭肉尊之比二王後

同姓諸侯若魯衛晉鄭之等凡受祭肉者受鬼神之佑助故以脰膾賜之是親之同福祿也至於二王後及異姓有大功者得與兄弟之國同故僖九年夏王使宰孔賜齊侯胙曰天子有事于文武使孔賜伯舅胙注云胙膾肉周禮以脰膾之禮親兄弟之國不以賜異姓敬齊侯比之賓客

案此服氏注也秋官大行人疏引注作尊齊侯客之若先代之後周禮大宗伯疏

使孔賜伯舅胙解天子謂異姓諸侯曰伯舅正義周禮九命作伯齊桓是九命之伯故以伯舅呼之

王者據土與諸侯分職俱南面而治有不純臣之義故異姓謂之伯舅叔舅同姓謂之伯父叔父

公羊隱元年傳注

覲禮說

天子呼諸侯之義曰同姓大國則曰伯父其異姓則曰伯

舅同姓小國則曰叔父異姓則曰叔舅公羊傳曰王者之

後稱公大國稱侯皆千乘小國稱伯子男見隱五年左傳曰在

禮卿不會公侯會伯子男可也僖二十九年分五等爲二節皆

以公侯爲上等伯子男爲下等明大邦謂公侯小邦謂伯

子男其稱牧伯則異曲禮曰五官之長曰伯是職方天子

同姓謂之伯父異姓謂之伯舅東西二伯是也又曰九州

之長入天子之國曰牧天子同姓謂之叔父異姓謂之叔

舅禮記案二字衍注云牧尊於大國之君而謂之叔父避二伯

也亦以此爲尊禮或損之而益謂此類也言由避二伯故

稱叔因以別異大邦之君亦以損其稱而更益其尊故云

損之而益也齊太公爲王官之伯左傳云王使劉定公賜齊侯命曰昔伯舅太公佑我先王是稱太公爲伯舅也及齊桓公興霸功王又以二伯之禮命之僖九年傳曰王使宰孔賜齊侯胙曰使孔賜伯舅胙是也周公亦是分陝之伯而魯頌云王曰叔父者以其實成王叔父以本親言之也其晉文公亦有霸功而王策命辭云王曰叔父者齊桓晉文雖俱有霸功天子賜命皆本其祖太公受二伯命故還以二伯之禮賜桓公唐叔本受州牧之命故還以州牧之禮命文公故唐叔文公但稱叔父左傳周景王謂籍談曰叔父唐叔昭十五年是唐叔亦受州牧之禮而稱叔父也僖二十四年傳王出適鄭使來告難曰敢告叔父謂魯爲叔

父成二年傳王告鞏朔曰今叔父克遂有功于齊謂晉爲叔父也昭七年王使追命衛襄公曰叔父陟恪在我先王之左右是謂衛爲叔父也是晉與魯衛王皆呼之爲叔父昭九年王使詹桓伯辭於晉曰伯父惠公歸自秦又謂晉侯爲伯父由此觀之魯衛爲大國而稱叔父晉國之中伯叔俱稱不同者以魯雖周公之後周公位冢宰爲東伯而周公不之國故事繫伯禽左傳曰變父禽父王孫牟並事康王昭十二三國俱以令德作王卿明兼州牧矣尚書酒誥命康叔之辭曰明大命于妹邦鄭云康叔爲連屬之監則康叔後或爲州牧變父王孫牟或各繼其父爲州牧也伯禽作費誓專征徐戎爲方伯可知三國並爲大國王室之

親又皆二伯之後尊而異之所以皆稱叔父焉晉又稱伯父者以晉既大國世作盟主故變稱伯父耳尚書文侯之命王曰父義和平王得文侯夾輔之勳尤親之而直稱父也天子稱朝廷公卿則無文蓋有爵者自依諸侯之例無爵者亦應以此長幼稱伯父叔父

案本疏服虔左傳注云諸侯稱同姓大夫長曰

伯父少曰叔父

大夫以下位卑其稱父舅與否無文以明之

詩伐木正

義

案潛丘劄記五有問徐勝力語云覲禮同姓大國則

曰伯父小邦則曰叔父晉非小國也且勿論而自唐叔以迄文公景公皆稱爲叔父何昭九年三十二年傳於平公定公反改稱伯父當其伯父也并惠公亦伯父之或曰周自景王以下實然然昭十五年景之十八年也何又曰叔

父履繩不知徐作何荅今於曲禮下正義得其略於小雅正義得其詳而賈公彥覲禮及周禮內史疏與孔氏同然於改稱伯父後復稱叔父之義則未之及愚謂諸侯於同姓大夫以少長爲叔伯則知天子於同姓諸侯當亦如是春秋多衰制豈能盡如覲禮曲禮之常稱乎

且有後命

且猶復也

國語齊語注

以伯舅耄老解七十曰耄正義釋言云耄老也舍人云年六十稱也郭璞云八十爲耄云云

服虔注僖九年傳云七十曰耄又見詩車鄭正義又鄭注易大耄之嗟謂年餘七十也詩正義餘作踰又毛詩傳云八十曰耄逝者其耄

下大略言之七十八十皆謂之耄也

禮記射義正義

六十稱耄七

十稱老

公羊宣十二年傳注

七十稱老曲禮文也案今曲禮云七十

曰耄與此異也蓋何氏所見與鄭注者不同或者此耄字

誤耳

又疏

詩詁云耄之言昧也古者四十而仕七十而致事

過七十則筋力已衰如日之昃故謂之耄至八十則大耄

熊忠古今韻會舉要二十七

案服杜依爾雅爲說故不解老字耄老

連文耳猶今人言六十七七八十歲也何休謂六十稱耄

曲禮則云六十曰耄釋文引賀賜云耄至也至老境也而

耄字从至故增韻云耄至也年之至也與耄義本得相通

曲禮釋文云八十九十曰旄本或作八十曰耄九十九曰旄

後人妄加之公年傳疏乃以此疑何注疏矣耄義从至爲

是其言跌者緣音以生義劉熙釋名蓋鐵之解孫炎注爾

雅亦同

詩車鄰正義引孫炎曰蓋者色如生鐵爾雅疏引作而如鐵色

音本相近蓋蓋亦

作載詩秦風駟騶漢書地理志作四載騶以馬色如鐵得

名

本玉篇

即可證蓋鐵之義余因疑騶本从金月令駕鐵驪

是也

爾雅青驪駟郭注曰今之鐵驄

後省加馬故今所傳申公詩說作駟

鐵

天威不遠顏咫尺解言天鑒察不遠威嚴常在顏面之前

遼遠也顏眉目之間

國語齊語注

恐隕越于下解隕越顛墜也

隕墜也越失也

齊語注

下拜登受解拜堂下受胙於堂上正義觀禮云云彼侯氏降

階再拜是此下拜也升成拜是此登受

拜而受之如今之一揖折腰而已再拜而送之則兩揖至拜下之拜乃再拜稽首也古者臣與君行禮再拜稽首於堂下君辭之然後升堂復再拜稽首故曰升成拜見燕禮大射儀聘禮公食大夫禮覲禮及禮記燕義僖九年傳王使宰孔賜齊侯胙下拜登受下拜再拜稽首於堂下也登升成拜也受受胙也卽其事也

四書釋地又續

案外傳作下拜

升受其爲升成拜無疑當日未降已辭管仲猶諫其不臣焉有上堂而不行拜賜之禮賈公彥覲禮疏遂以爲齊侯年老不升成拜失傳意已

平鄭解晉大夫

平氏平亦作丕晉大夫平鄭之後也平鄭亦曰平鄭父十

年經名字通稱也父者男子之美稱則知自稱爲平鄭人稱

之曰平鄭父

通志氏族略三

公家之利

呂覽

貴卒篇

高誘注云公家公之朝也

惠氏補注一

及高粱而還解高粱晉地在平陽縣西南

案十五年解作平陽楊縣西南此交

脫

河東郡楊有高粱亭

續漢書郡國志一

地道記有梁城去縣五十

里叔嚮邑也

見昭二十八年又注

今山西平陽府臨汾縣東北三

十七里高粱都地名梁虛是也

大事表七之三

齊隰朋解齊大夫

隰朋齊莊公之曾孫

案莊公名購乃僖公之父在春秋前

戴仲之子成子也

案程氏世譜二作武國語齊語注

隰氏姜姓齊莊公子廖事桓公封于

隰陰爲大夫故以爲氏杜預云濟南有隰陰縣

通志氏族略三

詳見哀十年犂地下

能鬪不過解有節制

此卽外傳所謂怒不及色也韋昭曰無色過

惠氏補注一

公謂公孫枝曰解公孫枝秦大夫子桑也

求丕豹公孫支於晉

史記李斯列傳

括地志云公孫支岐州人遊

晉後歸秦

又正義

案岐爲秦地子桑蓋秦之公族也

臣聞之唯則定國

唯則定國呂覽慎大覽

權勳篇

引以爲詩詞蓋逸詩也

惠氏補注

十信狄滅溫蘇子無信也解蘇子周司寇蘇公之後也國於溫故曰溫子正義國名爲蘇所都之邑名爲溫

蘇氏己姓顓帝裔孫吳回爲重黎生陸終陸終生昆吾封

於蘇其地鄴西蘇城是也至周武王用忿生爲司寇邑於

蘇子孫因以爲氏

通志氏族略三

案鄭語云己姓昆吾蘇顧溫

董韋昭注五國皆昆吾之後別封者商頌長發云韋顧既伐昆吾夏桀是昆吾與顧爲湯所滅晉語云殷辛伐有蘇有蘇氏以妘己女焉蓋蘇黨惡於紂必爲周所滅司寇忿生疑卽出自有蘇以國爲氏子孫因之故莊十九年蘇子亦稱蘇氏成十一年蘇忿生以溫爲司寇或卽以溫故國

封之隱十一年王與鄭人蘇忿生之田其一爲溫莊十九年蘇氏出奔溫可見鄭仍不能有之溫其國名故春秋書溫子孔仲達謂國名爲蘇與杜氏背矣

晉侯改葬共大子解

申生也釋文共本亦作恭

獻公時申生葬不如禮故改葬之

國語晉語三注

晉侯殺其世子

申生父不義也孝子不陷親於不義而申生不能自理遂

陷父有殺子之惡雖心存孝而於理終非故不曰孝但諡

爲恭以其順於父事而已諡法曰敬順事上曰恭

禮記檀弓上正

義

案申生之諡蓋卽惠公改葬時加之獻公驪姬方被

以罪名決無錫諡之典外傳郭偃曰君改葬共君以爲榮也足知是惠公所加矣而韋昭曰諡法旣過能改曰恭國

人告公以此謚也恐未必然卽有私謚獻公安肯用之然驪姬亦稱爲共君者特作傳人之言爾

狐突適下國解下國曲沃新城

服虔曰晉所滅國以爲下邑一曰曲沃有宗廟故謂之國

在絳下故曰下國也

水經涑水注引史記晉世家集解

失刑乏祀

足利本注乏祀爲無主祭也

山井鼎七經孟子考文

敝於韓解韓晉地

今陝西同州府韓城縣東南二十里

大事表七之三

呂甥十五年解瑕呂飴甥卽呂甥也蓋姓瑕呂名飴甥

河東郡永安故莛博物記曰有呂鄉呂甥邑也

今山西平陽府霍州

國志一注

案呂甥以邑爲氏族系無攷二十四年

稱瑕甥瑕亦其邑故并稱瑕呂通志氏族略五所謂複姓

瑕呂氏是也其稱陰飴甥者兼食陰邑耳杜氏以瑕呂爲

姓未免從俗

氏族略序云姓可呼爲氏氏不可呼爲姓

甥者蓋晉侯之甥卽以

爲名如鄧之三甥氏族略四云甥氏以名爲氏晉呂甥

後可證飴其名甥連稱之如魯縣房甥富父終甥宋公子

穀甥是已餘見後

郤稱

郤氏豹叔虎

見晉語

子稱

又見昭三

冀芮

僖六

義

春秋分記世譜二

冀芮

卅三年解

冀晉邑

冀本國名地并于虞虞亡歸晉惠公與郤芮爲食邑謂之

冀芮

大事表
七之三

詳見二年

秦伯使泠至報問解泠至秦大夫

泠氏風俗通云黃帝時典樂泠倫之後左傳秦大夫泠至

通志氏
族略四

祁舉解晉大夫

案通志略云祁氏姬姓晉獻侯四世孫奚食采于祁因以

爲氏祁舉祁瞞

二十八年

蓋皆其族

萬氏氏
族略

左行共華

共氏亦作恭商末侯國文王侵阮徂共其子孫以國爲氏

晉有左行共華

通志氏
族略二

叔堅

案通志略云左傳晉大夫龔堅臣謹案項羽傳義帝柱國
共敖顏師古云共讀曰龔龔卽共也籀文从龍據此叔堅
蓋卽共氏爲華之族

萬氏氏
族略

纍虎

纍氏風俗通纍祖之後左傳晉七輿大夫纍虎

通志氏
族略四

山祁

山氏周山師掌山林之官以官爲氏風俗通云烈山氏之

後左傳晉大夫山祁

通志氏
族略四

僖十

天王使召武公解周卿士

召公過召穆公之後召武公也

國語周
語上注

受玉帛

師古曰不敬其事也

漢書五行志中之上注

禮國之幹也敬禮之輿也

師古曰無禮則國不立故謂之幹無敬則禮不行故比之

於輿

五行志中之上注

揚拒泉臯伊雒之戎解揚拒泉臯皆戎邑及諸雒戎居伊水雒水之間者今伊闕北有泉亭釋例河南雒陽縣西南有戎城

洛泉皆赤翟隗姓也

國語鄭語注

伊雒之戎文八年公子遂及

雒戎盟于暴卽此也孔疏此陸渾未遷以前戎之先居伊

雒者

春秋地名攷略十三

諸戎在河南府洛陽縣西南

春秋輿圖

案路

史國名紀一云揚拒不見而泉乃洛陽西南之泉亭伊雒

之間則洛陽縣西南之故戎城皆姜戎也與韋昭說不合
存以俟攷愚謂揚拒泉臯四戎邑如百濮之屬伊雒之戎
其部落之大者亦稱雒戎故文八年魯會伊雒之戎成六
年晉衛鄭與伊雒之戎侵宋是也

入王城

王城有二僖十一年戎入王城二十五年王入于王城今
河南府十五年會秦伯于王城秦地也今同州朝邑縣

春秋

分記疆理
書十一

僖十

春王三月庚午日有食之

解不書朔官失之
癸酉歲

其年五月庚午朔去交入食限誤爲三也

宋史律
歷志

姜氏云

三月朔交不應食在誤條今歷推之是歲五月庚午朔加

時在晝去交分二十六日五千一百九十二入食限蓋五

誤爲三

元史歷志二

自郢及我九百里解郢楚都

以穀梁傳所云計今之六十二里當古之百里

本莊三十二年成二

年穀梁傳與王制異

故左傳黃人謂自郢及我九百里今自江陵至

光州僅七百里邾子謂吳二千里不三月不至

見哀今自

蘇州至鄒縣僅一千五百里

四書釋地

郢今爲湖廣湖北荊州府

治江陵縣史記文王熊貲始都郢孔穎達曰世本及譜皆

云武王都郢

見桓二

左傳沈尹戌曰若敖蚡冒至于武文土

不過同猶不城郢

昭二

則都郢并不始于武王蓋經營數

世至武文而始定耳文十四年公子燮子儀因城郢作亂

事未得訖襄十四年子囊遺言謂子庚必城郢于是始城之至昭二十三年囊瓦畏吳復增脩以自固卽杜氏所云

江陵縣北紀南城也

見桓二大事表七之四

有天子之二守國高在解僖二十八年國歸父乃見傳歸父之父曰懿仲高僖之子曰莊子不知今當誰世

齊有國氏姜姓其先共伯齊之公族也

通志氏族略三

案鄭子

產以父字子國故爲國氏疑齊國氏亦如此餘已詳莊九年

陪臣敢辭解諸侯之臣曰陪臣

陪重也

案重直恭反史記集解引服虔注同禮記曲禮下注

其君已爲王臣已又

爲己君之臣故自稱對王曰重臣也

又正義

王曰舅氏解伯舅之使故曰舅氏

諸侯既異姓其臣雖與我同姓且同出自穆王之後如管

仲者亦祇謂之舅氏蓋卽孔子名從主人之義

穀梁極則二年傳

同姓諸侯之臣之稱從可知已或伯父之使則曰伯氏或

叔父之使則曰叔氏一以國之大小而分伯叔不以其人

之字而伯氏叔氏焉

昭十五斯協乎禮矣

尚書古文疏證四

余嘉乃勳應乃懿德謂督不忘往踐乃職無逆朕命

向以二十五篇書唯微子之命雖當日真命書不可考要

此無甚可議近方覺純以僖十二年傳文爲藍本而割湊

充篇且既易往踐乃職爲往敷乃訓又曰往哉惟休既易

無逆朕命爲無替朕命上已曰慎乃服命不太複乎

尚書古文

疏證
五下

管氏之世祀也宜哉正義世族譜管氏出自周穆王

齊有管夷吾出自周穆王至夷吾始顯於齊

通志氏族略二

案

齊語管子曰昔吾先王昭王穆王世法文武遠績以成名
韋注云周管子之先也譜殆本此路史後紀十謂卽管叔
之後羅苹注云釋例以管仲爲穆王後非愚謂不若從外
傳爲確

僖十
三 會于鹹淮夷病杞故解鹹衛地東郡濮陽縣東南有鹹
城昭廿七年解淮夷魯東夷

鹹在直隸大名府開州東南六十里

春秋輿圖

淮夷東國在淮

浦

詩江漢傳

禹貢導淮自桐柏東入于海其傍之民不盡爲夷

故辨之云淮夷東國在淮之厓浦而爲東夷之行者也知

在東國者禹貢徐州淮夷蠙珠則淮夷在徐州也春秋時

淮夷病杞齊桓公東會于淮以謀之左傳謂之東略傷十六

是淮夷在東國昭四年楚子會諸侯于申而淮夷與會是

淮夷爲國號其君之名姓則書傳無文又正義書費誓序云

徐夷並興傳云徐戎淮夷並起爲寇東郊不開則此夷在魯之東昭二

十七年范獻子曰季氏甚得其民淮夷與之春秋地名攷略

一魯地盡江南海州沐陽縣淮夷當在今淮安府山陽安

東之間今並隸江蘇省案郡國志三濮陽有鹹城下

引此傳爲證與文十一年魯鹹地自別卓去病辯義引熊

過氏以爲此鹹卽叔孫得臣敗狄之地以杜云魯地爲非

讀史方輿紀要十六亦誤試問追躡強寇有窮入鄰境者乎春秋地名

同者甚多不必強合也餘詳昭五年

晉荐饑解麥禾皆不熟

釋言云荐再也左傳曰晉荐饑釋天云仍饑爲荐此薦與

荐字異義同詩雲漢正義

謂百里解百里秦大夫

百里卽百里奚也林氏句解

案史記秦本紀晉旱請粟繆公

問公孫支及百里傒故林氏據之氏族略三云百里奚者

爲虞之公族大夫唐書白氏世系表同又云秦大夫百里奚其先虞

人家于百里因氏焉此說余未敢信若果以所居爲氏傳

中不應單舉其氏愚謂百乃氏里其字奚名也荀子成相

篇亦祇稱百里

楊倞曰百里奚

韓子難言篇云伯里子道乞或其

氏以伯爲百孔氏僖三十二年正義遂以百里爲姓竟與三州九方等氏同例檢隱十一年有許大夫百里亦得謂單舉其氏乎觀廣韻百字下引百里奚不言複姓可證氏族略三引風俗通云百里氏秦大夫百里奚之後蓋子孫以字爲氏寧得謂奚卽氏百里邪今攷世族譜不列百氏祇于百里氏下列百里奚疑有脫漏伯兄人表攷曰此辨甚新余更補一證曰楚辭王逸九思百貿易兮傅鬻但究以氏百里爲愜不獨荀子稱百里楚辭惜往日曰聞百里之爲虜鵠冠子備知曰秦用百里世賢曰百里醫秦易林隨之復曰穆遠百里升之坤曰百里南行況呂氏春秋不

荀篇明言百里氏與公穀百里子韓子伯里子同故僖三十二年疏依世族譜以百里爲姓而居於百里之說通志本風俗通唐表亦載之我所疑者左傳之百里耳傳先云百里後云百里孟明視則百里者是孟明而非百里奚也杜注百里秦大夫極有斟酌史遷秦紀繆以百里傒實之夫遷且合奚與井伯作一人何怪誤認孟明爲奚乎奚之行事左傳不見公穀曾一及之孟明乃奚之族其舉用由公孫枝杜譜從史謂孟明奚子呂覽悔過謂蹇叔子均屬傳譌妄記再案孟子言奚去虞入秦年已七十攷僖五年晉滅虞至三十二年秦襲鄭奚尚在則年百歲矣商君傳曰相秦六七年蓋專指其爲相言之

秦於是乎輸粟于晉

設者粟米之通稱對舉則有設曰粟無設曰米單言粟則
粟亦是米春秋定公五年歸粟于蔡左傳僖公十三年秦
輸粟于晉昭公二十五年晉令諸侯輸王粟于成周戰國
策張儀言舫船載粟自汶山浮江以至郢史記主父偃言
秦輓粟起負海之郡以輸北河計其道里並阻且長有設
者難於轉漕其所謂粟當卽是米也

禹貢錐指十九

自雍及絳相繼解雍秦國都絳晉國都

秦國於西垂遷於平陽又遷於雍史記德公元年初居雍
城大鄭宮時魯莊公十七年也先是桓四年秦師圍魏執
芮伯以歸秦始見經是爲秦寧公徙平陽後七年也昭元

年杜注雍絳相去千里其地孔穎達曰周初爲召穆公采
邑有召亭幽王之難地陷於戎史記曰平王東徙賜襄公
岐以西之地曰能攻逐戎卽有其地至文公十六年伐戎
戎敗走遂收周餘民有之地至岐岐以東獻之周乃詩譜
云秦襄公橫有周西都畿內八百里之地非是漢志云惠
王居雍大謬春秋地名今陝西鳳翔府治鳳翔縣南七里
有古雍城大事表雍有二僖十三年自雍及絳秦孝公後
徙都焉二十四年雍文之昭也春秋分記

倍十鄆解今琅邪鄆縣

鄆亦作繒姒姓子爵夏少康封其少子曲烈于鄆通志氏
今兗州府嶧縣東有鄆城讀史方輿鄆有二僖十四年季

紀要一

姬及鄆子遇于防哀七年會吳于鄆鄆衍也襄元年諸侯之師次于鄆鄭地也春秋分記疆理書十一案襄六年鄆滅於莒昭四年魯取之則鄆爲魯地故亦稱鄆衍

季姬

解魯女鄆夫人也

莊公女鄆季姬

杜氏世族譜

孔廣森曰據公羊家以爲僖公

女

遇于防而使來朝

魯有三防隱九年公會齊侯于防東防也隱十年取防西防也此防乃魯國之防山在曲阜縣東二十里孔子父母合葬於防卽此六大事表之下案防卽定五年季平子卒于房之房也余曩年至曲阜展謁防墓土人呼其地爲房山蓋

防房同音

俗讀防爲防非

且字亦通用詳定公傳

僖十

楚人伐徐三年解徐國在下邳僮縣東南

案昭元年正義引杜云下

邳僮縣東南有大徐城

徐氏子爵嬴姓伯益佐禹有功封其子若木於徐自若木

至偃王三十二世爲周所滅復封其子宗爲徐子宗十一

世孫章羽昭三十年爲吳所滅

通志氏族略二

徐今泗州北五十

里徐城是

安徽省方輿紀要一讀史

盟于牡丘解地名關

或曰在山東東昌府城西北七十里

春秋地名攷略三

諸侯次于匡解匡衛地在陳畱長垣縣西南

陳畱郡長垣有匡城

續漢書郡國志三

陳畱志曰孔子因此左傳

僖十五年會牡丘次于匡

注又

今大名府長垣縣西南一十

五里有匡城

通鑑書釋地

僖十五年遂次于匡衛地也文元

年衛侵鄭伐縣訾及匡鄆地也

春秋分記鄆地

夏五月日有食之不書朔與日官失之也

丙子歲

經書五月日食杜預得壬子劉孝孫得癸未皆不入食限

景初歷得癸丑而入食限以大衍考之十二年庚午日食

後見一閏而杜預無閏故四月癸丑乃春秋五月也姜岌

曰其日食誤者五此其一也日食黃道壁六度半

春秋分記歷書

二大衍推四月癸丑朔去交分入食限差一閏今歷推之

是歲四月癸丑朔去交分一日一千三百一十六入食限

元史歷

志二

伐厲

老子亦生此地

楊氏春秋左傳地名攷

厲有二僖十五年齊師曹師

伐厲是小國宣九年楚子爲厲之役故伐鄭是鄭地

春秋分記

疆理書

餘詳桓十三年賴下

東盡虢略

解從河南而東盡虢界也

案土地名云從河西南行而東盡故虢地也郡

國志一注
引西作曲

元豐志自河南府西南抵虢州界三百二十五里稍南抵

鄧州界六百里皆高山深林古虢略也

案虢州今爲河南陝州靈寶縣鄧州

今屬南陽府

據此則晉桃林之塞以前當屬虢但傳無明文耳

大事表
八下

南及華山解在弘農華陰縣西南

華山在今陝西同州府華陰縣南十里華陰爲晉之陰晉

邑

大事表
八上

內及解梁城解今河東解縣也

今山西臨晉縣東南有解城

蒲州府屬
春秋解義十七
日講

其卦遇蠱三三曰千乘三去三去之餘獲其雄狐夫狐蠱必其君也解於周易利涉大川往有事也亦秦勝晉之卦也今此所言蓋卜筮書雜辭以狐蠱爲君其義欲以喻晉惠公其象未聞

蠱內巽外艮內旣巽順而外復艮止動輒得敗故曰蠱以象言之凡兩卦之間有一剛在中卽謂之坎今以兩剛居初四之間則在蠱卦辭原曰涉川而秦之入晉又必踰河

因曰涉河涉河則兩軍相接當占車乘今蠱之三五恰有

互震居其間則震車也且此非他車震爲諸侯

見九家諸易

卽

侯車也千乘諸侯也案推易一法類聚羣分必以陽之合

聚者分移他卦以爲卦謂之往來泰小往大來否大往小

來皆是往者去也蠱之爲卦實從泰與恆損三陽合聚者

往來而成然而無陽來而祇有陽去一從泰之三陽初往

上來一從恆之三陽四往上來一從損所環聚之三陽初

往三來凡此三推皆以我所聚三陽往而移彼謂之三去

去與驅通卽三驅也然且三去必涉河泰踰兩剛損踰一

剛恆且踰上位隱坎之剛是前稱三敗後稱三去皆于踰

河時見之故曰必涉河而後侯車敗知必獲君者艮爲止

天下無車敗而車中的人不止獲者凡被獲曰止國語君

之止子之罪也卽此事也雄狐者艮爲狐艮之陽一爻卽

雄狐也蠱者君父之惡以陽狐而擅君父之惡是狐而蠱

者故曰必其君毛奇齡春秋占筮書一未濟卦辭曰小狐汔濟虞注

云否艮爲狐春秋傳曰其卦遇蠱曰獲其雄狐蠱上體艮

爲狐取其喙之黔也惠棟周易述二十對文則飛曰雌雄走曰牝

牡散則可以相通牧誓曰牝雞之晨飛得稱牝明走得稱

雄左傳稱獲其雄狐亦謂牡爲雄與此同也詩南山不義案雌雄牝

牡尚不止此正義略舉以見義詳具日知錄三十二狐無喻君之理齊詩有雄狐謂

襄公也齊襄通于文姜晉惠通于賈君故以狐爲君惠氏補注

我落其實而取其材解艮爲山山有木今歲己秋風吹落山木之實則材爲人所取

艮象無材而曰材曰實以卦有互震震爲木而上連艮山謂之山木則山有材實矣此與陳敬仲傳有山之材義同

春秋占筮書一

寇深矣

深入境深也一曰深猶重也

國語晉語三注

戰國策

秦四

三國之兵

深矣高誘曰深猶盛也

惠氏補注一

步揚解郤犍之父成十一年正義世本云豹生義義生步揚

亦見成二年

揚生州州卽犍也

步氏姬姓晉公族郤氏之後步揚食采於步遂以爲氏

案廣

韻步字注同
通志氏族略三

使韓簡視師解韓簡晉大夫韓萬之孫

系本云萬生昧伯

案宣十二年正義引作求伯

昧伯生定伯簡簡生與

案正義引作子與

與生獻子厥

史記韓系家索隱

一夫不可狃況國乎解狃怏怏也言辟秦則使怏來

廣韻狃相狎也言一夫尚不可狎況以吾晉國之衆乎

顧氏

補正

案桓十三年狃於蒲騷之役解與此同正義云狃

貫也郭璞云貫怏也今俗語皆然則狃怏皆貫習之義

郭注

見爾雅釋詁

據此怏乃通俗之字故說文無之

今說文有怏字解云習也注

家借以爲義郭氏注釋言亦云狃怏復爲集韻云狃怏過

度今人惟知狃爲狎習已

晉語章注亦云狃怏也

寡人不佞成十三年正義服虔云佞才也不才者自謙之辭也云云佞是口才捷利之名

香彎類彙謂嬾真子錄以不佞爲不敢諂佞非也惟洪慶善解論語以佞爲口辯此說極得公孫丑云冉牛閔子顏淵善言德行而獨遺仲弓者以無口辯也故或曰雍也仁而不佞孔子荅以禦人以口給屢憎於人焉用佞佞非口辯而何衛子行敬子言于靈公曰會同難嘖有煩言莫之治也其使祝佗從及其將長蔡也賴佗一言而卒長衛侯故孔子曰不有祝鮒之佞而有宋朝之美難乎免於今之世矣則不佞非無口辯而何

袁文襄牘開詳一

能合其衆而不能離也

言衆欲戰

國語晉語三注

戰于韓原

華玉淳曰韓原在黃河西岸晉人所恃以守河者也韓原守則黃河之險晉所獨據韓原失則黃河之險與秦共之秦師及韓晉始得聞方且興師卜右視師往反而秦兵不曾踰韓以東一步則韓之足以扞秦而爲晉之重地可知如此則雖謂韓原直與秦接界而秦兵一涉韓境卽謂之寇深可矣文二年秦伐晉晉人禦之戰于彭衙秦地也哀十一年齊師及清齊地也而冉有已勸季氏禦諸竟蓋知敵兵之來必迎而距之境外勿使其戰于我地況韓原爲必爭之要地乎

大事表附錄

晉戎馬還渾而止解渾泥也還便旋也小駟不調故陷泥中

渾深泥也止戎馬陷焉

國語晉語三注

豈敢以至

豈敢至於已甚

林氏句解

晉大夫三拜稽首

九頓首出春秋傳

定四

然申包胥元是三頓首未嘗九也杜

注無衣三章章三頓首每頓首必三此亡國之餘情至迫

切而變其平日之禮者也韓之戰秦獲晉侯晉大夫三拜

稽首古但有再拜稽首無三拜也申包胥之九頓首晉大

夫之三拜也楚語湫舉遇蔡聲子降三拜納其乘馬亦亡

人之禮也

日知錄二十八

拜以三爲節自春秋時有之乃屬變禮

而其著爲令則後周宣帝詔諸應拜者皆以三拜成禮是

也

汪師韓韓門綴學續編

羣臣敢在下風

將迎之際必有風焉不敢當立故言下風

戰國策楚策鮑彪注

與女簡璧

簡璧則列仙傳所謂弄玉也

說文栴字繫傳

案弄玉爲秦穆公

女又因女名爲璧遂謂弄玉卽女之字其實仙傳鑿空傳會不可據依而尤侗作宮閨小名錄亦以簡璧卽弄玉豈別有所本耶

乃舍諸靈臺解在京兆鄠縣周之故臺

今陝西鄠縣東有鄠宮

屬西安府

又東有靈囿囿中有靈臺

日

講春秋解
義十七

且晉人感憂以重我

晉人憾憂以重我憂近心之切也

說文憾字繫傳

我食吾言解食消也

釋詁云食僞也孫炎曰食言之僞也哀二十五年左傳云

孟武伯惡郭重曰何肥也公曰是食言多矣能無肥乎然

則言而不行如食之消盡後終不行前言爲僞古通謂僞

言爲食言

案陸氏附注引蔡沈書集傳曰食言言己出而反吞之義更分明書湯誓正義

公子繫解秦大夫

繫秦公子子顯也

國語晉語二注

慮氏云古者名字相配顯當作

鞮

禮記檀弓下注

案顯鞮音同二十八年傳鞮鞮鞅鞅故與繫

馬之義相配說文作驪

釋文引作驪

無鞬字其作顯者文省爾

且史佚有言曰解史佚周武王時大史名佚

史佚周文武時大史尹佚

國語周語下注

史佚文王武王時臣故

國語稱訪於辛尹

晉語四

尚書稱逸祝冊是也

禮記曾子問正義案此

疏今刊本並缺據惠棟余蕭客日本山井鼎校補宋本錄之

案佚逸字通說苑政理

篇又作尹逸淮南道應訓云成王問政於尹佚則知成王時尚在春秋分記職官書一云文十五年傳史佚有言服虔曰周成王大史是也

無始禍

高誘曰始首也

呂氏春秋樂成篇注惠氏補注上

羣臣輯睦

釋文輯音集

師古曰輯與集同謂和合也春秋左氏傳曰羣臣輯睦

漢書

高帝紀注

晉於是乎作州兵解五黨爲州州二千五百家也因此又使州長各繕甲兵正義周禮鄉大夫云云

此于軍制無所變更第增一州長爲將耳所謂征繕者是也後日晉三軍皆立將佐本諸此

大事表十四

亦無益也解益血也

心上血也

說文益字繫傳

西鄰責言不可償也解將嫁女于西而遇不吉之卦故知有

責讓之言不可報償

兌西方之卦秦在西恰是西鄰責言不償正指伐晉責報

言兌爲口舌動多責讓而互坎之耳半掩于震誰能償之

春秋占
筮書一

爲雷爲火爲羸敗姬解羸秦姓姬晉姓震爲雷離爲火火動
熾而害其母女嫁反害其家之象故曰爲羸敗姬

震以木而生雷火則木爲火母震母家也乃震變爲離而
離反以火而轉焚其木此俗所云生女外向不利母家者

非羸敗姬乎

案女生外嚮見白
虎通 占筮書一

姪其從姑解震爲木離爲火火從木生離爲震妹於火爲姑
謂我姪者我謂之姑謂子圉質秦

歸妹以震兄嫁兌妹則火本爲震所出故以嫁女言之則
離火者震木之女也而以歸妹言之則離火者又震兄之

子也母女爲姑兄子卽爲姪同此一離而姑姪並居有似

乎從之者然

占筮書一

周語我皇妣大姜之姪逢公注昆弟之

子男女皆曰姪

趙氏補注三

案呂氏春秋慎小篇注石圃衛

石惡之姪也

見襄廿八年傳

是伯叔父稱從子爲姪之證頗與世

俗合

龜象也筮數也物生而後有象象而後有滋滋而後有數解

言龜以象示筮以數告象數相因而生然後有占

劉向曰龜千歲而靈著百年而神皆以久而後可用也

見曲

禮上正義

龜後爲動物而屬乎陽故知象著植物而屬乎陰故

知數屬乎陽者其長或尺二寸或八寸成之以陰也屬乎

陰者其長或九尺或七尺成之以陽也

案白虎通云禮三正記曰天子龜長

二尺二寸諸侯一尺大夫八寸士六寸龜陰故數偶也天子著長九尺諸侯七尺大夫五尺士三尺著陽故數奇也

禮書

七十三

傳沓背憎解傳沓面語背相憎疾

十月詩曰噂沓背憎案字書噂啗語多也噂亦作譔茲損切啗亦作譔徒合切其字從口或從言其義一也詩人多用省偏旁之文故用沓字乃啗之省文耳左氏傳引詩曰傳沓背憎亦循詩用沓字而用傳字者案字書傳衆也與譔義不同左氏假借用字耳

王觀國學林二

案說文傳聚也詩

曰傳沓背憎與此同文相對談語與聚義合字得通用可

徵左氏非假借也

震夷伯之廟罪之也於是展氏有隱慝焉解夷伯魯大夫展

氏之祖父夷謚伯字震者雷電擊之止義不知今之展氏其人是誰

震夷伯之廟臣錯以爲寔其急激者也震所加物之稱也

說文震字繫傳夷伯其人不知有何隱慝死猶爲天所降罰既如

是惡之矣又何以子孫生有柳下惠計爾時惠且長矣禮焚其先人之室則三日哭又不知如何恐懼修省以荅天

譴此皆人所未經拈出者閻氏四書釋地三續詳隱八年

楚敗徐于婁林解婁林徐地下邳僮縣東南有婁亭土地名云大徐

婁亭鄉城東有

在今虹縣東北案縣廢地今屬江蘇省徐州府睢寧縣春秋地名攷略十一

晉陰飴甥會秦伯盟于王城解陰飴甥卽呂甥也食采於陰

故曰陰飴甥王城秦地馮翊臨晉縣東有王城今名武鄉

今霍州西三里有呂鄉

山西省

州西南十里有呂城蓋皆以

飴甥所居而得名後以賜魏錡故復有呂錡呂相之稱州

東南十五里又有陰地村

春秋地名攷略四

秦王城在陝西同州

府朝邑縣西南二里

春秋與圖

僖二十四年晉侯潛會秦伯于

王城瑕甥郤芮不獲公乃如河上成十一年秦晉將會于

令狐秦伯不肯涉河次于王城則王城爲河以西臨河之

地

案晉語四注王城秦河上邑是也大事表七之三

曰必報讎寧事戎狄

小人言立子圉爲君之後必報秦終不事秦寧事戎狄耳

史記晉世家正義

箕子

解殷王帝乙之子紂之庶兄

正義

鄭玄王肅皆以箕子

爲紂之諸父服杜以爲紂之庶兄旣無正文各以其意言耳

歷檢諸書不見箕子之名唯司馬彪注莊子云胥餘箕子名

不知其然否

馬融曰箕國名也子胥也

見論語注史記宋世家集解

馬融王肅以箕

子爲紂之諸父

馬注亦見論語

服虔杜預以爲紂之庶兄杜預云

梁國蒙縣有箕子冢

又紫隱

箕是殷家畿內采地名也殷家

畿外三等之膏公侯伯也畿內唯子胥

論語集解義疏九

司馬云

胥餘箕子名也見尸子崔同又云尸子曰箕子胥餘漆身

爲厲被髮佯狂

案文選東方朔非有先生論注亦引尸子同

或云尸子曰比干

也胥餘其名

莊子大宗師釋文

於是秦始征晉河東

華玉淳曰秦征晉河東當在今山西之境秦歸晉河東

見

七年是只與晉以河爲界陝西同州府秦仍有之及文二年

晉取彭衙以後始漸開復河西舊疆耳秦伯師于河西自

在黃河西岸魏人在東自在黃河東岸觀下文旣濟魏人

譟而還

文十三年

明隔一河豈可謂秦之河東卽晉之河西乎

大事表附錄

僖十六

六鷁退飛

解鷁水鳥

正義

春秋考異郵云云

云云

三蒼云鷁蒼鷁也善高飛似鴈日相擊而孕吐而生子其

色蒼白

陸佃埤雅七

案說文鷁字繫傳云案字書鷁水鳥一

日鷁一身九頭此說恐未必然姑存以俟攷

今茲解此歲

孟子今茲未能趙注今年未能茲字卽年字閻潛丘云左傳杜氏注以茲作歲解古詩爲樂當及時何能待來茲來茲來歲也卽呂覽有今茲美禾來茲美麥語明以今茲爲

今歲可驗

案文選古詩李注卽引呂氏春秋任地篇云云高誘曰茲年也毛奇齡四書臆言一

狄侵晉取狐廚受鐸涉汾及昆都解狐廚受鐸昆都晉三邑平陽臨汾縣西北有狐谷亭汾水出大原南入河正義汾水從平陽南流折而西入于河臨汾縣在汾水北狐谷疑是狐廚乃在縣之西北則狐廚受鐸皆在汾北狄自北而侵南涉汾水至于昆都昆都在汾南也

狐廚今屬平陽府襄陵縣

山西

又臨汾縣南有昆都聚是

時狄自西來薄平陽境狐廚受鐸在汾西而昆都在汾東故涉汾而及昆都也今臨汾縣城西二里卽逼汾水

大事表七

之三

會于淮解臨淮郡左右

熊過氏曰淮今泗州盱眙

安徽省

淮水所經處古臨淮也

春秋

辯義

傷十
七
齊人爲徐伐英氏

英氏偃姓皐陶之後

通志氏族略二

案史記皐陶之後或封英六

見陳紀世家

張衡賦曰咎繇邁而種德分樹德懋于英六是也

見文選思立賦

春秋地名攷略十四

今江南六安州

安徽省

西有英氏城接

英山縣境

日講春秋義十八

妾爲宦女焉解宦事秦爲妾

臣錯曰宦執事于中也春秋左傳曰爲宦女

說文宦字繫傳

師滅項解項國今汝陰項縣

項氏或言姬姓之國故城在陳州項城縣東北一里

通志氏族

略項今河南陳州府項城縣

大事表五

會齊侯于卞解卞今魯國卞縣

案晉志縣屬魯郡

卞在今山東兗州府泗水縣東五十里

大事表七之一

葛嬴桓十五年解葛國在梁國寧陵縣東北

葛氏伯爵嬴姓夏時諸侯

通志氏族略二

今河南歸德府寧陵縣

有葛城在汴河之南

姚氏左傳附注

密姬

密周氏族卿之采盟會圖云周圻內國宣王滅之此河南

密

齊桓公密妃國

然密康公墓在靈臺故說者以爲近涇也

路史國名

五

案杜氏無注者已見六年新密下漢書地理志河南

郡密故國師古曰此密卽春秋僖六年圍新密者也蓋鄭地可據外傳周語曰恭王游於涇上密康公從云云一年王滅密韋昭注云康公密國之君姬姓密今安定陰密縣近涇攷紀年亦云共王滅密盟會圖以爲宣王滅之不知所本蓋密有二姬姓者在河南姑姓者在安定亦稱密須故昭十五年杜氏注云密須姑姓國也在安定陰密縣戰國魏策吳師道注云史周紀西伯伐密須詩所謂密人不恭者也亦可證鄭樵去須爲密之說通志氏族略二云密

須氏世本商時姁姓之國今涇州靈臺有密康公墓據此則康公乃姁姓韋注作姬姓蓋傳寫之譌史記齊世家索隱之說殊謬以殺羣吏

服虔曰羣吏諸大夫也

史記齊世家集解

傳十楚子賜之金旣而悔之與之盟曰無以鑄兵故以鑄三鐘解楚金利故古者以銅爲兵

禹貢揚州厥貢惟金三品荊州云厥貢惟金三品彼注云三品者銅三色也王肅以爲三品金銀銅鄭不然者以梁州云厥貢鏐鐵銀鏤爾雅釋器云黃金之美者謂之鏐白金謂之銀貢金銀者旣以鏐銀爲名則知金三品者其中不得有金銀也又檢禹貢之文厥貢鏐鐵銀鉛而獨無銅

故知金卽銅也左傳曰鄭伯始朝于楚楚子賜之金旣而悔之與之盟曰無以鑄兵故以鑄三鐘考工記云六分其金而錫居一謂之鐘鼎之齊是謂銅爲金也三色者蓋青白赤也

詩泮水正義

軒轅神農赫胥之時以石爲兵斷樹木爲

宮室死而龍藏夫神聖主使然至黃帝之時以玉爲兵以伐樹木爲宮室鑿地夫玉亦神物也又遇聖主使然死而龍藏禹穴之時以銅爲兵以鑿伊闕通龍門決江導河東

注於東海

越絕書十一

楚金利鄭刀良故曰無以鑄兵考工記

云鄭之刀遷乎其地弗能爲良是也史記秦本紀云始皇二十六年收天下兵聚之咸陽銷以爲鍾鐻金人十二重各千石應劭曰古者以銅爲兵杜氏之注本此

惠氏補注一

宋敗齊師于甌解甌齊地

在今山東歷城縣界

案縣屬濟南府請春秋解義十八日

圍菟圖

菟圖衛地或曰在直隸大名府長垣縣界

高岱春秋地名攷補

而後師于訾婁解訾婁衛邑

今河南衛輝府滑縣西南六十里有訾婁城西北與直隸

大名府長垣縣接界

大事表七之二

命曰新里秦取之

新里梁地卽秦新城

春秋地名攷略十三

新里有二僖十八年梁伯

益其國而命曰新里昭二十一年敗華氏于新里是宋地

春秋分記疆

詳見文四年

僖十 用鄆子于次睢之社解睢水受汴東經陳畱梁譙沛彭

城縣入泗此水次有妖神東夷皆社祠之蓋殺人而用祭

博物記曰臨沂縣東界次睢有大叢社民謂之食人社卽

次睢之社

續漢書郡國志三注

今在山東沂州府治蘭山縣境

大事表七

之二

得死爲幸解恐其亡國

得死猶云考終

顧氏補正上

子魚言於宋公曰文王聞崇德亂而伐之軍三旬而不降退脩教而復伐之因壘而降解復往攻之備不改前而崇自服退脩教而復伐之因壘而降則似兵合不戰此云壞城執訊者凡所褒美多過其實此言訊馘必當戰矣蓋知戰不

敵然後乃降彼左傳子魚欲勸宋公脩德故隱其戰事而
言其降耳

詩皇矣
正義